



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psal. LXXII. Deus iudicium tuum regi da.

urn:nbn:de:hbz:466:1-44993

- 22 Nabilio & ipse etiam pleno, citharaque DEVM te
Meum canam, sanctū Israēl; teque tuāque fidem;
23 Et fidibus mixtum referent labia hæc quoque carmen;
Dexterāque quam redēptor hanc erueras animam.
24 Iustitiam cunctis meditata hæc lingua diebus
Tuam requiret, consonis vocibus vt referat;
Cūm mihi consiliis iunctis mala multa parantes
Turpis repulsa mouerit, vestieritque pudor.

PSAL. LXXII.

Deus iudicium tuum regi da.

BEATISSIMI REGNI INITIATIO.

2

Salōmoni.

Carmen Dicolon Tetraſtrophon.

- R**Egi iura DEVS da tua, filio ac
Regis iustitiam confer amabilem,
2 AEquis quā populum iudicet is tuum
Princeps, atque inopes regat.
3 Montes huic populo atque huic iuga collium
Pacem compositi temporis afferent;
4 Hic iudex inopum, ac, hic violentiæ
Vindex, pauperibus salus.
5 Te dum Solque die, Lunaque noctibus
Præfint assiduis luminibus, colent
Te sacris soboles postera posteris,
Regem te & metuent bonum.
6 Ceu detonsa cadens prata rigat vagus
Imber, ceu pluiæ roribus imbuunt
Tellurem, viridi & gramine vestiunt,
Flore ac purpureo beant;
7 Sic hoc Rege piis plurima pax fluat,
Vt ius perpetuo tempore floreat;
Donec Luna suo deficiens loco
Menses auferat ac dies.
8 Is cuncta imperio prospiciet sacro,
Externum mare quæ claudit & intimum,
Vnde & prima caput flumina proferunt
Terre littora ad vltimæ.
9 Siluanus, genibus iam minor Aethiops
Hunc lincto ac veriti puluere supplices
Hostes hunc precibus; muneribus colent;
Regna hunc Punica præstitis.
10 Hunc qui regna tenent per maris insulas
Reges assiduis muneribus petent;

Hunc

Hunc reges Arabum: debita proferent
Dona huic Aethiopes Sabæ.

- 11 Huic se prapostri gentibus omnibus
Reges prouolliant, illius & ferent
Gentes seruitium, quot variis tenent
Orbem legibus ac modis.
- 12 Defendet querulum namque inopem, auxill
Dignum, sed vacuum; tutor erit viro
Quem constricta premens pauperies agit,
Ac vis ditior opprimit.
- 13 Defectasque animas ille salutarifer
Seruabit redimens ne pereant mala
- 14 Fraude aut vi immodica; valde etenim sibi
Horum charus erit cruor.
- 15 Viuentemque inopem prouidus asseret,
Donabitque Arabum torquibus aureis,
Hunc semper precibus concilians suis
Omni ac muneribus die.
- 16 Farrisque exiguum vertice in arduo
Montis, ceu Libani cedrifera nemus,
Densa fruge strepet, terra frequens viro,
Urbi vt gramina proferet.
- 17 Eius perpetuo nomen erit sacrum,
Nomen, quod soboles plurima proferet,
Dum præsens facie ex ætheris axibus
Sol effulserit aurea.
Huius mirifico munere Gentibus
Cunctis plena fluat diua beatitas;
Hunc gentes celebri carmine maxime
Dignumque imperio canent.
- 18 IAS imperio floreat vnico
PRINCEPS ille bonus, qui DEVS Israë
Dicitus, solus habet mirificis modis
Mira exponere munera.
- 19 Cuius magnificum nomen in vltimas
Oras amplificans fama ferat memor;
Et terram peragrans gloria compleat
Omnem numinis illius.
Explorata diu hæc consilia exitum
Fautum pollicitis contiguum bonis
Optare ac petere, & credere confore, &
Exspectare iubent pios.
Consummatæ sunt preces Dauid filij Isai.